

S'git so Täg

Luegsch em Morge zum Fänschter use
Nach däm d ir Nacht nid hesch chönne pfluuse
Di Gring fühlst sech aah wie nes grosses Wääächpinäscht
Obe drah lost d Frou Burri wider Schlager
Sicher wider mit em bleiche Schwager
Dä gruusig Lärm. git mer no dr leetschti Räscht

Das si die Täg was nie dörft gäh
Aber trotdäm muesch se eifach näh
Wüu ohni die würdsch sicher nid verschtah
2 X S mues immer wiitergah

Wosch im **Herbscht** dusse der Vorplatz wüsche
Gsehsch die **Bletter**. i de ängschte Nische
si häbe sech fescht wiesums überlääbe gieng
Choufsch ir Migros die beschti Schääri
Deheime merksch die scheiss verpackig
Lahts sech nume uuftue mit viu Chraft u Wuet

Das si die Täg was nie dörft gäh
Aber trotdäm muesch se eifach näh
Wüu ohni die würdsch sicher nid verschtah
2 X S mues immer wiitergah

Im **Meteo** tuet dr Bucheli wider d Biise priise
Füüf **Täg** lang..chauti Wätterlag
Die **auerwermschti** Chappe grad zwöi mau gaar nüt nützt
De **wünscht** ig i wäär mit dir im Süüde
Locarno Nizza eifach nume Süüde
Nur für **settig** Späss fähltmir leieder der nöötig Schtutz
De weisch
Das si die Täg was nie dörft gäh
Aber trotdäm muesch se eifach näh
Wüu ohni die würdsch sicher nid verschtah
2 X S mues immer wiitergah

Hett d' **Häx.** di mit em Schuss vou troffe
vou **Medis** umeloufsch wie totau psoffe
Dis Chrütz .knackt wie ne trochne naute Ascht
We sie ir **Nacht.** wider mau het ds Zimmer gwächslet
Wäge diner nid ganz sanfteTöön
Und **Du** am Morge ganz elei dis Chüssi drücksch
De weisch

Das si die Täg was nie dörft gäh
Aber trotdäm muesch se eifach näh
Wüu ohni die würdsch sicher nid verschtah
2 X S mues immer wiitergah